

जा॒सि । वी॒र्यै॑भिर्वी॒रत॑मा॒शचि॑ष्टा । याप॒त्येते॒ अप्र॑ती-
त्ता स॒होभिः॑ । वि॒ष्णू अ॒गन्व॑रुणा पूर्॒व्वह॑तौ ॥ ५ ॥

वि॒ष्णू वरु॑णावभि॒शस्ति॒ पावां॑ । दे॒वा य॑जन्त ह॒विषा॑
घृ॒तेन॑ । आ॒पामी॑वाः से॒धतः॑ र॒क्षस॑श्च । अथा॒धत्तं॑ य-
ज॒मानाय॑ शं॒योः । अ॒हो॒मुचा॑ वृष॒भासु॑प्रतू॒ती । दे॒-
वा॒नां दे॒वत॑मा॒शचि॑ष्टा । वि॒ष्णू वरु॑णा प्र॒तिह॑र्य॒तन्नः॑ ।
इ॒दं न॒रा प्र॑य॒तमू॒तय॑ ह॒विः । म॒ही नु॑ द्या॒वापृ॑थि॒वी इ॒ह
ज्ये॑ष्ठे । रु॒चा भ॑वताः शु॒चय॑द्भि॒रर्कैः॑ ॥ ६ ॥

यत्सीं॑ वरि॒ष्ठे वृ॒हती॑ वि॒मिन्वन् । नृ॒वङ्गो॒क्षा प॑प्रथा-
नेभि॒रेवैः॑ । प्रपूर्॒वजे॑ पि॒तरा॑नव्य॒सीभिः॑ । गो॒भिः कृ॑णु-
ध्वः स॒दने॑ कृतस्य । आ॒नो द्या॒वापृ॑थि॒वी दै॒व्येन॑ । जने॑न
या॒तम॒हिवां॑ वरू॒थं । स॒इत्स्व॒पा भु॑वने॒ष्वास॑ । य॒इमे॑ द्या-
वा॒पृथि॒वी ज॒जान॑ । उ॒र्वी ग॑भी॒रे रज॑सी सु॒मेके॑ । अ-
व॒शे धी॒रः श॒च्या स॒मैर॑त् ॥ ७ ॥

भूरिं॑ द्वे अ॒चर॑न्ती चर॒न्तं । प॒द्वन्तं॑ गर्भ॒मप॑दी दधा-
ते । नि॒त्यन्न॑ सूनुं पि॒त्रोरु॒पस्थे॑ । तं पि॒पृतः॑ रोद॒सी स-
त्य॑वाचं । इ॒दं द्या॒वापृ॑थि॒वी स॒त्यम॑स्तु । पि॒तर्मा॑त॒र्यदि॑-
होप॑ब्रुवे वां । भू॒तं दे॒वाना॑मव॒मे अ॒वोभिः॑ । वि॒द्यामे॒षं
वृ॒जनं॑ जी॒रदा॑नुं । उ॒र्वी पृ॒थ्वी ब॑हु॒ले दू॒रे अ॒न्ते । उप॑-